

平津館金石萃編

平津館金石萃編卷九

北嶽聖廟碑 開元廿三年閏十一月廿二日

已見王氏萃編

元氏令龐履溫清德碑 開元廿四年二月

已見王氏萃編

慈州刺史鄭曾碑 開元廿四年五月

已見王氏萃編

大智禪師碑 開元廿四年九月十八日

已見王氏萃編

美原縣尉張昕墓誌開元廿四年十月三日

已見王氏萃編

臨高寺重修簷碑開元廿五年二月廿八日

已見王氏萃編

景賢大師身塔記開元十五年八月十二日

已見王氏萃編卷七

廣化寺無畏不空法師塔記開元廿五年八月

已見王氏萃編

周太師蜀國公尉遲迴廟碑開元廿六年正月廿口日

已見王氏萃編

開元寺貞和上塔銘開元廿六年七月十五日

已見王氏萃編

任城縣橋亭記開元廿六年閏八月五日

已見王氏萃編

元宗御注道德經開元廿六年十月八日 易州本

已見王氏萃編

易州鐵像頌開元廿七年五月三日

已見王氏萃編

易州刺史田仁琬德政碑開元廿八年十月十六日

已見王氏萃編

夢真容碑開元廿九年六月一日

已見王氏萃編

石壁寺鐵弥勒像頌開元廿六年六月廿四日

已見王氏萃編

莒國公唐儉碑開元廿七年

已見王氏萃編

金仙長公主碑無年月當在開元時

已見王氏萃編

號國公造象記開元四月廿三日

已見王氏萃編卷七

內侍省功德碑 開元□□□

已見王氏萃編

華嶽廟題名五十六種 起開元訖唐末

小石襍嵌于壁或刻于北周華岳頌及唐述聖頌等
碑側碑陰高廣行字已見王氏萃編今在陝西華陰

常冀元搗題名年月泐有史子華刻四字當附開元末
王氏萃編作鄭虔題名開元廿三年

太州別駕殘題名 無年右述二公碑也

丘據題名 寶應二年六月八日

李懷讓題名殘字 無年月

劉士淡等題名 廣德元年三月

韋□題名 廣德二年二月

焦緩等題名 永泰元年

蔣羅漢題名 無年月

王嘉欽等題名 無年月

蘇敦等題名 大歷五年六月六日在精享昭應碑下截

盧綸等題名 大歷六年二月二日

庾口李亘等題名 大歷六年

崔微等題名 大歷七年三月廿日

韋馮題名 大歷七年十月廿八日

元澄等題名 大歷八年十二月三日

韋沈杜錫等題名 大歷九年四月廿二日

李謀等題名 大歷九年十月十三日

上官沼題名 大歷十三年七月廿九日在昭應碑下截

崔漢衡題名 興元元年十二月廿三日在昭應碑後

崔頰等題名 貞元元年二月六日在昭應碑前

鄭齊躬題名 無年月在昭應碑前崔頰下

裴濟等題名 貞元九年六月十五日在述聖頌碑陰

鄭全濟等題名 貞元十三年三月廿四日在述聖頌碑陰裴濟下

尉旻題名 元和元年正月廿日

薛存等題名 元和四年九月十九日

協律郎李三等題名 元和十年五月十二日

前容府□□等題名 元和十四年正月一日

李朝式題名 元和十四年正月十一日

張常慶題名 元和十五年七月七日

王璠題名 元和十五年十一月廿六日

裴穎修嶽廟中門屋題 長慶元年□月十三日

裴穎等題名 無年月

方叅等題名 大和二年八月廿八日

李璠題名 大和三年十一月十五日

韋公式題名又續題名 太和四年上元日

李虞仲題名 大和四年七月十日

竇存辭馮耽題名 開成二年四月

□庚題名 開成二年九月五日

李景讓題名 開成四年六月十九日

陳商題名又續題名 會昌元年正月廿五日

崔邠等題名 會昌二年六月十六日

祀嶽廟殘詩 會昌二年六月十二日

崔慎由等題名 會昌五年二月八日

李□方題名 大中元年三月

楊漢公題名 大中二年五月

李貽孫祈雪題名 大中三年十二月八日

鄭復等題名

大中四年九月五日

李貽孫題名

大中五年七月廿七日

于德晦等題名

大中六年三月廿四日

李植題名

大中十一年十一月十三日

李蟻祈雪題名

咸通元年十二月廿九日

許環等題名

咸通十一年十月十七日

司空圖嶽廟殘詩 唐摭言云大順中

嚴口題名

乙丑歲八月庚寅當是乾寧二年八月六日

崔恭伯題名

無年月

李境等題名

無年月

已見王氏萃編

卷七十九
卷八十一

賢令山摩崖二種

無年月當在開元中

一種三大字徑一尺三寸分拓三紙不知摩崖高廣今在廣東陽山

千巖表

一種橫廣四尺二寸高一尺一寸艸書
橫列字徑九寸後署名二字徑二寸

鳶飛魚躍

退之

千巖表三字正書徑尺外在賢令山讀書臺前石峯
上相傳為韓文公書傍有銘曰萬石之中巍然雄尊
與歲寒君心契無言舊志云稱歲寒君者山多松柏
故也

粵東金石略

陽山縣北二里賢令山讀書臺前有摩崖千巖表三
大字正書不署名相傳為韓文公書嘉慶壬戌余至
粵東求得拓本其明年陽山令又拓寄艸書鳶飛魚
躍四字一橫末題退之二字云新搽得之翁氏粵東
金石略所未載也艸云古勁飛動實為神品但昌黎
生平自稱愈不稱退之唐詩統載唐詩快有開元中
道士司馬退之詩一首中有云羅浮奔走外日月無
短明乃嶺南詩也此二刻當即其所書海陽近刻
有白鸚武賦亦出一手今人但知退之為韓文公不

知有此道士矣

四錄堂
類集

白鸚武賦 無年月

石四段共橫廣三丈高二尺七寸四十九行行五六字不等今在廣東海陽

白鸚鵡賦

若夫名依西域族今南海同朱喙之清音變綠衣于素
采惟茲鳥之可貴諒其嫩之斯在爾其入玩于人見珍
奇質狎蘭房之妖女去^上林之^公雲日易^為枝以羅袖代
危巢以瓊室慕侶方遠依人永畢託言語而難通顧形
影而非匹經過珠網出入金鋪單鳴無應隻影長孤偶
白鸚于池側對皓鶴于庭隅愁混色而難辨願知名而
自呼明心有識懷思無極芳樹絕想鵬梁撫翼時噉花

而不定每投人以方息慧性孤稟雅容非飾含火德之
明爛被金方之正色至如海蕤呈祥有玉筐之可依山
雞學舞向寶鏡而知歸皆羽毛之偉麗奉日月之光輝
豈憐茲鳥地遠形微色凌紈質彩奪繒衣深籠久閉喬
木長違儻見借其羽翼以遷營而共飛 退之

碑在韓祠東壁後款書退之二字雍正八年知府龍
為霖得墨蹟於廣州故家勒諸石大行草字徑三四
寸後有蘭陵龔松林八分跋

粵東金石略

右白鸚武賦雍正八年摩刻賦見王右丞集唐文粹
亦載之頗互異行艸生勁開黃魯直一派未題退之

二字當亦司馬退之所書

四錄堂類集

雲麾將軍李秀殘碑 金石錄云天寶元年正月

已見王氏萃編

鄂州刺史盧正道碑 天寶元年二月八日

已見王氏萃編

韓賞告華嶽文 天寶元年四月十日刻于述聖頌碑陰

已見王氏萃編

兖公頌 天寶元年四月廿三日 碑側有大和九年六月大中八年正月題名

已見王氏萃編

吏部南曹石幢 天寶元年九月

已見王氏萃編卷六

十六

靈都觀張尊師碑 天寶二年六月三日

碑高五尺三寸廣三尺二寸廿九行行五十字今在河南濟源

唐東京 道門威儀使聖真玄元兩觀主清虛洞府

靈都仙臺貞玄先生張尊師遺烈碑

大弘道觀法師蔡瑋撰 承議郎行河陽縣

尉韓贊書

先生諱探玄字體微家甘南陽正一真人道陵師君之
胄也真人光上清之版蓋中古之仙眇睽而駢馳鬼神
指麾而震動河岳仙支流乎百代真氣降于三天

女元將斧績妙門光傳法印興復乃烈是生貞女曾祖
儼周襄國紫州刺史大父幹隨平州司馬襲封朝陽縣
開國子父睿遭季世亂離終身向晦莅州也政符于德
儒司武也才叶于文若避世也 道隣于仲御感矣哉
其先自沛遷鄧朝陽因官徙廣平今為臨洺人也先生
童而遜悌冠而貞愿勁志脩篁之節和如浮磬之聲正
衣冠而冰雪在容離堅白而窳都遊刃師君之施遠矣
文明初 天皇下席國家延慶于 道度為仙官
隸本郡明山觀道士開元初補西京景龍觀大德恩詔
供奉將授諫官先生執心堅明守 道純固固辭見許

十年 朝廷增崇 大聖祖元廟祠庭有仙容
垣擇賢才以時裡潔 天子精選黃褐 親垂紫書先
生與峨眉王仙卿青城趙仙甫漢中梁虛舟齊國田仙
寮等允膺 宸鑒有司備禮冠蓋紛迎登邛山俯河洛
飄飄明霞之外官官凝之之際望者以為神仙之會也
廿一年 詔為東都 道門威儀使與洞玄先生司馬
秀同拜於玉清玄壇冠重疊之五雲佩離羅之九色霜
臨絳府冰鑿玄都邈登仙階允執 天憲自是采真遊
者知證歸之所存焉俄兼聖真玄兩觀主清醜不弭
令望如初先生異時靡然歎曰始吾擢德繕性矜仁宿

名將以跡混人間心存應 帝殊不知外獲內捷已滑
真焚和大丈夫當神動 天隨披然約是因歷選海岳
至止乎茲山馬入清虛洞宮得皇人秘記曰凡初躋

道位必先詣陽臺即此山是也先生乃考卜幽勝薦辭
明靈至誠少通若遇神授雖子真谷口遠遊邨中亦一
時也古老相傳曰仙人臺也昔劇王昇仙太子朝 天
壇於此臺上有憩筌鶴之跡 我唐玉真公主於

臺下構館為集靈仙之都方風嘉聲信萬古之同德其
地即是古奉仙觀前有投鍾泓為蜺桓之瀆每至陰凝
黛碧則霜韻常聞雖千載之湮淪亦九州之殊異者也

公主以 天人之貴 帝子之尊玉鏡清懸瓊華洞
照自夫署真官於金格烈仙位於瑤壇曰大洞三景法
師四紀于茲矣頃年搖羽節吟鳳蕭真相光煌於 九
天風馭周遊於群岳以為此地青溪万仞碧洞千門煙
蘿嘶風金澗生月可冥 秘滋五牙朝會丹田豫遊沖
漢 皇上奉尊 祖之孝穆友于之仁 恩降紫宸光
融碧落題上方公主幽居曰平陽洞府小有仙臺又於
山門別署金牘為靈都觀貴主又罄散湯沐首事增修
先生亦德契言從 道同心一盡以 天恩所賜巾裘
器服及私居莊碾園墅資營繕焉惜乎厥功未而晏然

體逝享年七十有六黜遷於山口雲泉之業時天寶元
年七月丙寅也先生將示疾也預修金籙法事躬奠河
圖醮禮倏有二仙光降百神昭明其景象靈命及遺誠
方訝誌傳詳焉文多不載及乎解脫也非煙覆寢異香
盈室夢老龍之戶跣子鶴之塋隣人見先生紫衣白馬
俄亡所在烈風迅雷晏而後息八月壬寅封樹之際赤
氣被於方宮信夫昇仙之驗也奉仙觀主段抱質聖真
觀監齋寇含光夙奉 主恩經始靈都之役道士席守
元馮若水 綯朱運劉意並承 天澤服御方北之門
猶子遶芝門人靈應或感愴泉洞或悽傷竹林相與歎

雲霓之不歸望松檟之增慕瑋也肅尚其德悅聞其風
敬謚曰貞女先生頌崖略于幽石

溥博泉源清漳孕靈淪激波怒如雷如霆於昭乎貞女
才全而德形端若表炯若星嶷岳峙潛泉溥同乎而來
委 天和而出寧儵然而往混元化以歸冥乘日之車
于馭雲之駟飛霞丹霄于流金火鈴小有空洞于清虛
明庭雲層莪莪于上鎮下垺浩劫洋洋于厥德弥馨

天寶二年歲次癸未六月己酉朔三日辛亥建 刻

字人李興

碑云先生諱探元字體微家世南陽正一真人道陵

師君之冑按三國志列傳云張魯沛國豐人也祖父
陵客蜀學道鶴鳴山中造作道書以惑百姓而此碑
及道書昇元經等通謂陵為道陵未知何意元世述
張道陵家世甚詳不知唐時已有正一封號矣碑又
稱家世南陽亦與史言豐人不合

中州金石志

碑云曾祖儼周襄國紫州刺史唐志洺州武德元年
于臨洺縣置紫州四年罷據碑則周已有紫州屬襄
國諸史皆不言殊缺略也今永年縣西有臨洺關即
廢縣州所治西有紫山蓋紫州命名以此

嚴可均跋

龍角山慶唐觀金錄齋頌

天寶二年十月十六日

已見王氏萃編

實際寺隆闡法師碑 天寶二年十二月十一日

已見王氏萃編

嵩陽觀聖德感應頌 天寶三載二月五日

已見王氏萃編

騎都尉薛良佐塔銘 天寶三載閏二月十四日

石高一尺六寸五分廣一尺八寸五分廿四行行廿二字今在陝西長安

唐故翊麾副尉置缺同缺下騎都尉薛君塔銘

龍集協洽月于于臯朔已亥日辛酉君奄然卒于西京

太平里之第春秋廿八惜也人到于今悲之草木哀日

月逝觀天地之蕭瑟感幽冥之慘感欲見之不可得將
捨之不可得爰起茲塔因誌于行是謂百二之論也君
諱良佐字堯臣河東聞喜人蓋上古軒皇之華裔經國
諸侯之令緒具在諸譜吾將略焉曾祖待躬皇右千牛
通事舍人祖麟朝散大夫皇北都司法父諤朝散大夫
行右監門衛長史並疑謀必割亂政斯理覆車之後當
草前弊文翰以飾之道術以華之賢良代有秀異出誕
我君子克彰前聞君即長史之次子也纔逾捧雉之年
已有食牛之氣始過龍女之歲早懷成佛之因乃乘軒
靜邊為國復地胡寇載殲皇恩是班以功授官勲焉由

是日崇法門專精釋誥行深般若而種善根五蔭皆空
一塵不染無上之士君其謂乎不然者何以予時右脅
而沒月惟徂暑日在東井寒泉沸歲介乾君小斂在林
自莫生而盡三旬乃出庸不改常百日開空色不渝舊
信有金剛之堅豈無我淨之理由前劫之未覩堅代
之一聞者也昆良道季良史痛三武之喪偉節哀五常
之歟白眉敬崇法因乃遵所請以來年閏二月十四日
建塔于終南山施陀林善知識之次其實天寶二祀也
銘曰

□□東注流景西馳天長地久逝者如斯燮從悟發惠

逐口為塔建何所終南之垂

右監門衛長上上柱國良史書 再從兄鈞撰

薛良佐塔銘再從兄鈞撰良史正書天寶三載閏四

月文言年止廿八卒于里第塔于終南山施陀林善

知識之次此官而葬以僧者金石文

右碑題云唐故翊麾副下少十餘字騎都尉薛君塔銘右

監門衛長上上柱國良史書再從兄鈞撰文殊娟秀

情亦婉轉書有虞褚風味洵非俗筆金石錄補

文云來年閏二月金石文字記關中金石記皆作

閏四月誤

石臺孝經 天寶四載九月一日

已見王氏萃編

嵩山淨藏禪師身塔銘 天寶五載十月廿六日

已見王氏萃編

竇居士碑 天寶六載二月八日

已見王氏萃編

遊濟瀆記 天寶六載十二月 碑陰有宴濟瀆序又濟瀆記後叙 按此碑

仆而重樹故碑陰反在陽面

已見王氏萃編

北岳恆山封安天王銘 天寶七載五月廿五日 有陰

已見王氏萃編

吏部常選潘智昭墓誌 天寶七載七月五日

已見王氏萃編

崇勝寺丁思禮造像記并心經 天寶八載七月廿一日

已見王氏萃編 誤作大歷八載其錄
記文題名並多脫誤

少林寺靈運禪師功德塔銘 天寶九年四月十五日

已見王氏萃編

永泰寺陀羅尼經幢 天寶九載八月廿九日

已見王氏萃編 卷六
十六

靈都觀劉尊師碑 天寶十一載二月廿八日

碑高三尺三寸廣三尺三寸厚七寸
廿七行行四十三字今在河南濟源

大唐
齊

物劉尊師碑銘并序

縣主簿
故靈昌郡太守息

翟顛書

道本無名名生
物而聖本無跡跡者
改存
惟
所以能明
理盡乎妙有矣夫
惟得無所得能知
合
名
以此進為而混俗
功大名揚而衆
仰以此退居而閑遊
江海山林之士伏其
孰謂也
尊師
又號齊物
城人也
曾祖皇

隨任洺州司戶參軍才器過人德行殊衆祖楚皇任房
州上庸縣丞詩書傳□文詞宏達又問養□丘園優遊
卒歲 尊師幼而聰敏性與沖和真相霞舒挺骨嶽
立年十三神龍中有 勅士人誦經入 道配養

臺觀既慕神仙之術託作求真之遊遂詣中岳 韓尊
師受洞神經法使居勞盛山五載仰其 道也至開

元初又詣東岳 任尊師受洞方中盟八景之要便居
泰山日觀臺十載已外物矣時遇茅山 任尊師遊山
見而異之曰此 道覺也遂授以靈飛六甲豁落七

元八錄秘文大洞真要仍傳養生隱訣自後却粒服餌

吐故納新入負而天乎又詣恒山居大光巖峯三載至
如九丹秘要三洞經法皆成誦在心如示諸掌至開元
四載 道門威儀使奉 玉真公主教請詣中

岳興唐觀校定經錄 道高物外跡寓寰中聲聞于

天名著非我至天寶三載有 詔 尊師德行純

和尤精科戒請住西岳雲臺觀上方太清宮至五載靈
昌郡道衆等竭誠勤請願傳法要乃日齋心潔行以
祈引益 道不凝滯亦在流通遂於瑤臺觀壇場廣

開 天地肅清授真一經法金人玉檢始以要盟

龍章鳳篆終焉授與道衆謝 天建黃籙齋以祈靈應

其時白鶴繞壇綵雲浮座祥風肅起異香遠聞見者皆
言 尊師精誠所感也至六載玉真公主已捨館陶
之封卜居平陽之洞以為常娥餌藥乘兔輪以長生羸
女吹簫登鳳樓而久壽遂於仙人臺下建立山居既饒
靈芝復多仙草有 教安置旌至德也七載又奉

教東京

睿宗大聖真觀奉

勅修齋理藉清

高副

國誠命初

道

功威儀設而

行而儼若鑪煙晝啓瑞色氤氳燈炬夜開祥光
燦赫都城士女觀者霧集莫不讚稱曾有八

記云

尊師時年五十有七閏六月廿二日無

疾忽曰吾本入道志求仙也所望華表御鶴白日

昇天今上聖有命我欲辭去顧謂諸弟子曰方生

方死方死方生死生一理汝勿憂也其日申時復有異

香入院左右莫不聞者至夜半寢於靜室奄然而絕當

其炎暑容色鮮輝手足柔和一無改變門人號蹕行路

傷嗟以為尊師歿廿而尸解矣以七月十七日遷

於尚書谷之東阜禮也時則變易物經長久彼堅

者石可以刻彫彼言者文可以傳人匪文匪石後何觀

焉有弟道士曰齊莊鶴原永懷式昭至德銘曰

天長地久于物則虧盈陰化陽施子有衰有榮達士所

以肥適居貞得

道可以齊乎死生

吾師仙化

予神遊上清竊芳黎予可知其名千秋萬歲仙臺之下
蕭然唯有松風之聲

天寶十一載歲次壬辰二月己酉朔廿八日景子建

檢校覆鑿字姪劉玄覺

刻石人李宗洵

碑側

五行行
字不等

觀因山西大渠破其渠將廢而不繼遂流絕于觀已五
十年今

□□□□即不媿嬰於所計其意決一以美其□不以

功厚是難

缺

四老感

公德理遂恭

公之命

公自厚施

缺

其

其初月不一

而功就水三枝而灌其觀昨四老告成于

缺

筆大和

五年辛亥二月三日壬申山人胡邀記

碑多摩滅乃其徒因尊師既卒頌揚道行之詞獨缺

其姓名有云祖皇隨任洺州司戶叅軍祖楚皇任房

州上庸縣丞亦不能考其人也中述玉真公主於仙

人臺下建立山居之事蓋亦與尊師並時入道也末

云以七月七日遷於尚書谷之東阜是其葬處碑側

有字數行末題太和五年辛亥二月三日壬申山人

胡邀記

中州金石記

碑甚模胡前半尤甚首行齊物劉尊師碑銘等字隱隱可識據碑末有隸書題名檢校覆鵠字姪劉方覺則尊師姓劉無疑中州金石記題為某尊師碑天寶十載二月立寰宇訪碑錄緣之別載天寶十一載二月王屋山劉尊師碑齊莊文程□行書一碑兩收誤也碑云有弟道士曰齊莊鵠原永懷式昭至德是齊莊定立此碑而撰文者縣主簿非即齊莊且碑是十一載非十載碑第六行又問二字未成句似有脫文嚴可均跋

中岳永泰寺碑

天寶十一載閏三月五日

已見王氏萃編

千福寺多寶塔感應碑 天寶十一載四月廿二日

已見王氏萃編

夫子廟堂記 天寶十一載四月廿二日

碑高四尺廣二尺五寸十七
行廿五字今在山西

夫子廟堂記 篆額

夫子廟堂記

駕部郎中程浩撰

朝議郎判尚書武部員外郎琅邪顏真卿書

朝散大夫檢校尚書都官郎中東海徐浩篆

天地吾知其至廣以其無不覆載日月吾知其至明以其無不臨照江海吾知其至大以其無不容納料廣以寸管測明以尺圭航大以一筆廣不能逃其數明不能私其質大不能亡其險偉夫

夫子後天地而生知天地之始先天地而沒知天地之終非日非月光之所及者遠不江不海潤之所溲者博三代禮樂吾其損益百王憲章吾其消息君臣以位父子以親家國用和鬼神以饗道不可筌其有物釋未可證於無生一以貫之我

先師夫子聖人也古之帝聖者曰堯古之君明者曰禹

堯之德有時而息禹之功有時而窮

我夫子之道久而弥芳遠而弥光用之而昌捨之而亡
昔否於宗周今泰於

皇唐不然何耀袞而裳垂珠而王者矣唐天寶十一載
歲次壬辰四月乙丑朔廿二日丙戌建

夫子廟堂記魯公初書于天寶時大歷中又刊于湖
州今華州王氏藏有殘石七十一字其前二行魯公
及徐季海列銜與多寶塔碑同乃天寶時書也近山
西新獲顏碑行列字次與華州殘石悉合蓋即從彼
本翻刻者末行年月日亦與多寶塔碑同惟廿二日

戊戌作廿二日丙戌為異蓋翻刻者疑乙丑朔則廿二日非戊戌故妄改不知乙丑乃魯公誤筆通鑑目錄是月丁丑朔且廿二日戊戌則丁丑朔無疑是年二月己酉朔見劉尊師碑有閏三月見永泰寺碑是四月丁丑朔也然魯公一日未必連書二碑想是華州本末行久泐翻刻者篡取多寶塔之月日補之遂臆改戊戌為丙戌戌字又非魯公體淺人涉手輒謬如此然賴有此翻刻得見華州碑款式且悟唐文粹所載別是一碑與魯公兩次所書皆無涉也

四錄堂類集

此碑劉觀察大觀從山西拓寄未知在何縣華州

王探花家藏殘石七十一字行列字次與此無異
知此碑即從華州本摹刻也夢英重書碑標題起
訖字句皆同惟唐文粹所載題曰扶風縣文宣王
廟記文多互異天地吾知其至廣唐文粹知下無
其字廣下有也字下三句做此以其無不覆載無
下有所字下三句做此測明以尺圭作測景偉夫
夫子作偉哉吾其損益吾下有知字下句做此家
國用和作用肥道不可筌其有物不作未筌作詮我
先師夫子聖人也夫子下重夫子二字古之帝聖
者曰堯古之君明者曰益作帝之聖者曰堯王之

聖者曰禹下又有師之聖者曰夫子七字用之而
昌捨之而亡而皆作者昔否於宗周無宗字今泰
於皇唐無皇字不然作不然者輝袞作被袞垂珠
作垂旒者矣作者哉後又多扶風古縣也至時大
歷二年某月日記二百九十六字歸美扶風尉袞
弁及縣丞主簿其詞專為扶風而作非他處可通
用蓋程浩此記作于天寶時至大歷二年續撰後
半篇而前半隨加改定或云皮日休作也其書扶
風碑者未知為誰與魯公無涉夢英碑後序言此
記刊石元在湖州是夢英所據以重書者為湖州

碑當有行湖州刺史上柱國魯郡公列銜而湖州
今佚此碑想魯公斷不以扶風尉袁弁縣丞主簿
等語移之湖州而華州殘石列銜是天寶時官職
在刺湖州前廿餘年在大歷二年前十六年則當
石之未殘時亦斷無唐文粹之後半篇且殘石字
次與山西碑同若加後半篇則太橫廣須兩面刻
字而殘石陰面無字然則山西碑實據足本重摩
無所刪節其戍字作戍蓋在北宋已前也

夫子廟堂記殘石 無年月當在天寶時

石僅存高廣一尺五寸八行共
七十一字有半今在陝西華州

部負外郎琅邪顏真卿書

書都官郎中東海徐浩

覆載日月吾知其至明

不容納料廣以寸管測

不能私其質大不能

之始先天地而沒知天

海潤之所澁者博三代

以位父子以親家國用

少華探花王氏家藏

右殘石王氏萃編入錄部負外郎誤作司員郎又

以唐文粹之大歷二年記補足無以見原石行式
故復載之

雲門山投龍鐔詩 天寶十一載十一月

摩崖高六尺二寸廣二尺八寸十
八行行州九字今在山東益都

北海郡太守趙居貞述

渤海吳書 郡人李元莊鐫

有唐天寶少載 載奉月己巳中散大夫使持節北海郡

諸軍事守北海郡太守柱國天水趙居貞登雲

金龍環 鐔奉為

大唐開元 天寶聖文神武 應道皇帝祈福也先是投禮

太守不行以掾吏代之余是年病月戾止以為

□□□□祐宜牧守躬親卑吏輒代固非禮也當是時上
元投禮猶未備余責龍璧觀之皆不肖於是詰□□□
□□□□裴□更具□□□□撰良日躬□祈□爰及中元
下元並躬行□□□□□□□□□□□□□□□□□□
□□□□□□□□□□□□□□□□□□□□□□□□□□

□□祈□□祝拜焚香投龍璧禮畢有瑞雲從洞門而
出五色紛郁迴翔空中有聲曰

皇帝壽一萬一千一百歲頂禮者悉聞之余乃手舞足
蹈賦詩以歌其事遂於巖前刊石壁以紀之

曉登雲門山直上壺千尺絕頂彌孤聳盤途幾傾窄前
對豎裂峯下臨削成壁陽嶽靈芝秀陰崖仙乳滴□□
□羣山遠望何所隔太陽未出海曠晃半天赤大壑靜
不波渺溟無際碧是時雪初霽浮寒冰更積恭展送龍
儀寧安服狐白□□惟

聖主祈福在方伯三元章醮昇五域真仙覲帝幕翠微
互机茵丹洞闢祝起鳴天鼓拜傳端素冊霞閣朱綬縈
嵐際黃裳襲玉□奉誠信□□俟奔驛香氣入岫門瑞
雲出巖石至誠必招感大福旋來徂空中忽神言

帝壽萬千百

長史 □ □ □ 楊幼玉 李潤 司馬段 □

□ □ □ □ 錄事參軍崔晏 司功劉克烈 益都令

裴昇 丞李俊 □ □ □ 張思繼 □ 裴冀

□ □ □ □ □ □ □ 敬鉞 參軍王知微 鄭廷杞

□ 缺下

右唐雲門山投龍詩北海太守趙居貞撰序言天寶

元默歲下元日居貞投金龍環壁於此山有瑞雲出

於洞中有聲云皇帝壽一萬一千一百歲蓋天寶中

元宗方崇尚道家之說以祈長年故當時諛諛矯妄

之徒皆稱述奇怪以阿其所好而居貞遂刻之金石以重欺來世可謂愚矣

金石錄

雲門山投龍詩刻在益都縣雲門山洞西闕帝廟後北壁段赤亭嘗以全唐詩校之頗多異同全唐詩載此序幸月上有有唐天寶元默歲七字攷舊唐書元宗紀天寶七載三月羣臣請加皇帝尊號曰開元天寶聖文神武應道許之八載羣臣上皇帝尊號為開元天寶聖文神武應道皇帝今是碑所書尊號與紀合又歲在壬曰元默十一載為壬辰居貞以是年到官則為十一載無疑矣段赤亭據文獻通攷中宗先

天元年舉手筆俊拔科有趙居正同杜昱等及第正
即貞避宋仁宗廟諱也又言全唐詩居正鼓城人任
吳郡採訪使天寶中官北海太守斯言可徵其實也

金石志

投龍壁詩載辜月上缺六字全唐詩作有唐天寶方
默歲蓋本是默載二字尔雅歲在壬曰方默十一月
為辜天寶元年為壬午十一載為壬辰八載羣臣上
尊號為開元天寶聖文神武應道皇帝序中已有此
語則是十一載十一月也序云余是年病月戾止尔
雅三月為病則居貞三月到官十一月投禮也全唐

詩病月作病目

嚴可均跋

雲門山造象八種

起天寶十一月廿一日
或十二月迄十二載十

一種高一尺七寸廣七寸一行
八字一行五字今在山東益都

天寶十一載十二月季思供養

一種橫廣一尺七分高二寸六分
十行九行二字末行三字不全

故人王旼敬造无量壽像一軀願生仙國及法界衆生

缺下

一種橫廣一尺五分高二寸
十二行行二字末行三字

故人依六妻宮清讓敬造無量壽像一軀願生佛國及

法界衆生

缺下

兩種共高八寸廣六寸文各二行

比丘尼世僧造像一軀為師生父母及法界衆生
比丘尼圓花造像一軀願供法界衆生同生佛國

兩種共高七寸廣一尺四寸前六行
行八九字不等後七行行四字

□□天寶十二載二月□□□□二日甲戌清信仕□□
□□定光像一軀下缺三字眷屬□□□□生咸斯福
□□□依智顯為亡父母敬造定光像一軀願生仙國
及法界衆生下缺

一種高五寸五分廣二尺五分
前六行中八行後五行

姓千秋供養 姓哥悟供養 □□供養 □知金供

養 〇恭供養 過 〇晏供養

大唐天寶十二載歲次癸巳十一月戊戌朔廿一日戊午清信士王 〇恭敬造 〇彌陀像一鋪上為國主帝主師僧父母七代先亡見存眷屬法界蒼生成同斯福

〇 〇供養 〇 〇供養 趙門東世仇供養 妹伴娘

供養 女陳娘供養

在益都縣雲門山陽石壁佛龕下

山左金石志

右雲門山造像題字有依六依智顯是希姓又有姓千秋姓哥悟廣韻姓又姓漢書貨殖傳臨菑姓偉貴

五千万

四錄堂類集

玉真公主靈壇祥應記 天寶十二載五月

碑高八尺五寸廣四尺廿七
行行七十字今在河南濟源

玉真公主朝謁應□□真源宮受□□□王屋山仙人
臺靈壇祥應記

御題額

引道觀道士臣蔡瑋撰上

朝請

大夫□引□觀□駕上柱國□□言□□□西京大昭
成觀□□□□使臣元丹丘奉 勅□□建

皇上□□□天下之卅載也物歸混茫人□太樸故

我少元聖祖□服龍駕雲□□□天明示

真□錫以寶符靈命國祚嘉祥所謂純嘏丕業永昭於

左契矣明年春三月既望乃 詔上清方都大洞三景
法師玉真長公主有事于雞都 宮洎名山 岳亦
既 無休也公主承 天恭
拜受 命醮假 所以履虛 而昭炯
戒也於是浮函闕之紫氣望 帝鄉之白雲登華
 雖及渙駢馳百靈悠 千里 月届于 宮 懇
宣 誠 若 奠 聖敬之 德 皇心之在
人精意 休 跡 先天后廟有朱文隱成太字
垂八角之 宮有飛龍躍 重泉 井之
瑞既而 金簡 河圖則 天地合莫貞明連曜或潛

虬吐液以澄映仙鶴紫空而鳴舞紫霞散壇彩雲拂樹

允所謂降福穰穰惟休于無疆若是其至矣者哉迴

□旋□□太室捫日□步少州挹上清羽人焦真□于

中峯絕頂訪以空同吹萬之始丹田存一之妙不渝月

又將朝于王屋之天以及仙人臺而北岳洞靈宮胡

先生賁□來會先生文離其德骨又其容河眸徹照嶽

犀橫偃思□□寶聲動 天庭廿五人獨守真於恒代

卅六洞遠陟降於清虛公主因齋心順風膝行避席請

受八錄三洞紫文靈書先生並虛已□□□冥合遂

以是月下宿甲午子夜象設壇宇星陳香燈以金寶盟

天霜羅薦地時也煙霏夕霽□□
宮□儀法位周列簫管清籟□□
觀□□□灑萬水風然□音而壇無搖旌燈不□焰公
主於是官三極府百神左右不戒而嚴肅如也洎乙未
丁酉異夕同符皆有甘露夜零珠明玉潤華滿庭樹□
龍人□□□臺下有泉石□□□紛綸□□殆不可測
每有至人精思遐感則霜韻潛鳴迺五月辛丑之夕公
主□□文□玉□鍾聲□□發深底達□□韶自暝達
曙春容不絕壬寅佩五老真印杖八威神□瑞五嶽靈
飛六甲傳豁□□□或日月交輝或煙霞動色晃朗

天字揚光仙山至若□陰□□□□雲□鬱儀結隣之

錄□□宴景之道則有□公□保三□□司皆降飛雲

□朝□□□□□□□□授□□冥感□□故署仙格曰

玉真萬華真人□有 命自 天理□□□甲辰宮功

受祛□□解散□有祥烟蓬蓬從中壇而起□神□羽

駕歸飛於太空□□□□□□□徐轉公主□鳴□

大鼓□□□延□□之迄乎居室矣是歲東周炎亢自

春徂夏人□□力野無良苗公主□仙□洞府□鑑

□□□□□剛俾夫金龍驛傳璧真□禮□□□□

□□流盈尺故當時遠近咸謂之為公主雨馬則知夫

德苞於經濟者其惠也廣行通於神明者其感也深自
非降□ 形庭孕靈金格持受無□ 為至人則曷能
靜該□道□□□ 天祐祈誠必應休有明徵者哉公
主法号無上真字女女

睿宗大聖貞皇帝之十女

今上之□妹青□□

□□洞虛□葆□女門而禎符不一年十二歲當景
雲之初始受□道於括蒼羅浮真人越國萊公其時

老君為親降法壇□鳥三刻言皆口授旨以神融

故□□章隱訣代莫得而聞也今見事載青史皀編玉
諫西京□陽□之樓觀者昔文始先生尹真人望氣之

所山水屋蓋蒼蒼古墟崢嶸丹宮一後聖有作公主以

□□天寶之前歲孟夏月佩朱靈之印混□□之心能

自存真斯焉攸處若然者七日而所居精室卿雲覆之

有二青衣玉童自雲來拜因而動承指使常在左右也

□仙格之稱不其□□自是□□□□□□□□□□

踵息聽道遺形絕粒動無違事矣不□□□能周一萬

象徧索羣岳得于茲山焉夫此山者隱元陽臺小有

天洞環合曾翠凌□□□□□騰赤霄□□□□明□

丹□而□□□□昔王子晉舉手緱嶺息駕於斯者詣

天壇凡卅里傍連太行□□□□□皆秀孤松自

煙況其呀谷攢峯玉林瑤草可名言也公主未笄□□
為采真人居□門□□□□丹竈□日樂園長春
白水□□□□卷石可以□□也 主上前年揮

灑宸翰光題寶額曰平陽洞府小有仙臺又於山門別
署金榜為靈都觀公主爰遊爰處將廿年功行已成昇
仙階近故凡五□真錄□□植□合□移步昇□□如

□□□□之輕舉方默 天□蓋□願祝 堯不能忘

魏是知無往不適與□道為徒者非至德其孰能與
於此焉有若監度保舉中岳三洞鍊師□□□王玉京
同法壇西岳道士敬延壽中使內謁者監程元暹王屋

令李拯官寮道俗莫不成同盛觀時東京法衆少元觀
主王虛貞等金靈封陪乎絳節之前倘佯乎
碧宇之外會聲揚言慶大君受祚於

少元大妹同符於女僞詠歌不足願紀斯文璋
幸得捧鐸瑤壇紘扎仙府輒敢扣冲寂搜窅冥昭列少
猷茲誠慙翰或愧當仁時昭陽記歲蕤賓貞
月有唐天寶十二載也

大中大夫守河南少尹臣李中使

臣西京大昭成觀道士臣

名胡摸勒刻字

碑文摩滅多不可辨有云公主法号無上真字元元
按新唐書列傳云玉真公主字持盈始封崇昌縣主
俄進號上清元都大洞三景師與碑所稱無上元元
之號不合豈公主又自加道號歟史稱公主薨寶應
時而世俗傳靈都宮為公主昇仙之處志家載之可
謂大愚矣金石略又有蕭誠書玉真公主受道應祥
記亦當在此今不可得也

中州金石記

贈武部尚書楊珣碑

天寶十二載八月

已見王氏萃編

柘城縣令李仲華德政頌 天寶十三載五月十八日

碑高六尺七寸廣四尺一寸廿九行行五十字今在河南柘城

大唐睢陽郡柘城縣令李公德政頌并序 下邑縣

令封利建撰 朝議郎行丞魏崇仁書

初利建之登于 王畿也聞宋有柘城大夫隴西李

公之德能媚於神而和於人者久矣及是而與之耄肩
馬觀其口揚口口祇率訓典逾洒然而異之亦既詢事
考言果於入境知善邑老皆稱曰人之不安由黠吏肆
暴政之不一或亂法滋彰公下車視俗執轡遵途積豕
之牙府庭憚其強項除馬之害閭井欣於洗心令修伍
鄙之間理決四封之內莫言一朝之便皆務口身之功

焉以為豪右兼并不均之所從也。亂遯以裁制之孱弱，轉移流亡之所起也。勞費以安輯之，登其孤終，協其出入倉廩，既實。理。人。之。居。矣。早其財求明其利，弊羣萃州處心安不遷。士既聞燕以詳求典禮，農服畎畝而察時節用，商安市井識貿遷之利，工守習辨功苦之宜，是成人之事矣。然後設奸宄之禁，制吉凶之禮，廉讓興而奪攘寢，故局鑄不用，長幼順而達。故紗誦日。聞莓苔募聽之庭，鋪銷網思過之戶，事無巨細必也躬親，道有汙崇於焉適，表牛刀在握而窺却餘地，龍劍出匣而魑魅慙形。到理聞乎小康滿歲稱。

其大賴邑自成於保郭賦不域於繭絲郡守禱冕唯頒

詔令遊士弊帛兼禮才賢下於琴堂譽已充

於軺傳以管子之術御下用平仲之心奉上莫不以石
投水若礪資金故道不虛行人仰攸堅勝殘去殺百姓
稱仁焉省徭薄賦百姓稱寬焉敬上愛下百姓稱順焉
輕財重義百姓稱廉焉信有長使人之術寬肅宣惠
之美寬所以保也肅所以濟時也宣所以教施也惠
所以和人也若此而不令聞世者未之有也其或止
灌壇之風雨息中年之災沴則理符無得而書
今太守越國李公明照肝膽首加賞譽十縣之內一人

而巳子徒見能政之所以成未識有開之所由然夫以
理官暮九德柱天涼重少武昭王之勤卹遠黎姑臧公
之發揮餘而不澤流後裔寵集時賢者乎

太翁雲將

皇給事中常州刺史與房元齡等十八

學士曳裾秦邳可不謂文乎

王父少道

皇尚書右丞隴州刺史行已終始

若一可不謂忠乎

昭考絳

皇臧方郎中滑州刺史不克開

後人可不謂榮乎公名仲華字仲華以隴州之忠而納
之以常州之文閱之以滑州之露知事君必

□□幼也□□以從令壯也□志而用令冠也和安而

□□曾謂成人矣加之□□山□切而□戢雲雨玉□

千尋而潛伏玆奇歟爰以□□內□之年□□擢□賈

誼登朝之歲分陝叅卿以選授汝南郡錄事叅軍振□

□凋章善瘳惡六條隨其指願八使任之耳目以清白

上聞俾作宰於是邦適名著於彼遽政成於此庶幾坐

□廊廟□是□□□□負外丞鉅鹿魏崇仁

故太師鄭公之曾孫也忠□有□祖遺風問望允時賢

攸屬丞王嶷沉潛溫克潔淨□□□□□實膏

梁人惟雋穎蒼壽等華髮含光顙毛□齒□督錄事等

謹身稟命所奉竭誠惕槐檀之火遷惜桃李之殮□□
日□□□□□□光耿於人多矣□欲社而稷之尸而祝
之□或□□□期在他日姑務稱伐之典其庶銘勲之義
由是述盲於□□假詞於□□□□為政如多方人利
百倍故 天錫純嘏神應嘉生夫自足於躬不知日
用之力從事於此誠晤歲計之餘是用紀□□□□□
□以導之以光昭 君之令德迺作頌曰

隴山莪莪渭水湯湯輔我盛族兮與代偕昌左轄之孫
專城之子誕守丕業兮世濟其美分陝叅佐汝南綱紀
聲聞于天兮作□于輔□□乘馬稅于株野此邦之人

自 天祐者所祐何居茂宰綏之昔也股無腓今也
足生蹇適歎來暮旋嗟去思分勢駸駸高駕難 千金
□字以立 碣頌美 啓

大唐天寶十三載歲次甲午五月景申十八日癸丑

右李仲華德政頌魏崇仁行書寶刻類編及黃玉圃
中州金石考有其目文云員外丞鉅鹿魏崇仁故太
師鄭公之曾孫也檢魏徵魏謩傳宰相世系表魏謩
先廟碑並無其名傳言徵四子叔瑜豫州刺史善草
隸以筆意傳其子華及甥薛稷今是碑行草偉麗可
喜崇仁于華為子姪蓋家學淵源也世系表華子瞻

駕部郎中崇仁與華當同一格表殊漏略文云今太守越國李公蓋即許遠所代其任者史亦無名其叙李仲華先世皆無考而稱曾祖為太翁則可補入通

俗編也

四錄堂類集

內常侍孫志廉墓誌

天寶十三載六月八日

已見王氏萃編

東方朔畫贊

天寶十三載十二月一日有陰

已見王氏萃編

勅還少林寺神王獅子記

天寶十四載八月十五日

已見王氏萃編

折衝都尉張希古墓誌
天寶十五載四月一日

已見王氏萃編